

# Ngatā i te 'aere ki te ngāi 'iki'anga?

## 'Iki ki roto i te 'iki'anga Ma'ata 2023

Ka rauka iākoe i te 'iki ki roto i te 'iki'anga Ma'ata 2023 mei te Mōnitē rā 2 o 'Okotopa ki te rā o te 'iki'anga, Ma'anākai rā 14 o 'Okotopa i te ora 7 i te a'ia'i. Ākara [vote.nz](https://www.vote.nz) i te au ora nō te 'akatuera'anga ē te au ngāi nō te 'iki'anga i mua ake ka 'aere ei koe.

Mē kāre e rauka iākoe i te 'aere ki te ngāi 'iki'anga, ka rauka rāi iākoe i te 'iki.



### Tē vai nei te au tuatua 'akamārama'anga i kō i te:

- Ātoro atu [vote.nz](https://www.vote.nz)
- Tāniuniu **0800 36 76 56**

## Complete this form to authorise someone to collect voting papers on your behalf

### Voter's details. Please print clearly.

My first name(s) are:

My last name is:

My contact telephone number is:

OFFICIAL USE ONLY:  
Index reference

Address where I am enrolled to vote:

  
  
  

Tick the electoral roll you believe you are enrolled on:

General roll

Māori roll

Tē vai nei te au 'akamāramara'anga ka 'iki ki'ea e te tuātau e 'iki ei ki kō i te **vote.nz** me kore nā roto i te tāniuniu'anga **0800 36 76 56**. Ka tāuru katoa 'iātu te reira ki roto i te paeketi EasyVote te ka tuku 'iātu nā roto i te mēre ki te au aronga 'iki tei rētitā'ia.

Ka rauka iākoe i te 'iki ki ko i te au ngāi 'iki'anga mei te Mōnitē rā 2 o 'Okotopa ki te ora 7 i te a'ia'i o te rā o te 'iki'anga, Ma'anākai rā 14 o 'Okotopa. 'Ākara **vote.nz** i te au ora nō te 'akatuera'anga ē te au ngāi nō te 'iki'anga i mua ake ka 'aere ei koe. Ka tuera te au ngāi 'iki'anga i te rā 'iki'anga, Ma'anākai rā 14 'Okotopa, mei te ora 9 i te pōpongi ki te ora 7 i te a'ia'i.

## Ka 'anga'anga koe i te rā ō te 'iki'anga?

Ka 'akatika'ia koe i raro i te ture kia 'akaruke i te ngāi 'anga'anga nō te 'aere atu i te 'iki i te rā o te 'iki'anga. Ka rauka katoa iākoe i te 'iki vave ki kō i tēta'i 'uātu ngāi 'iki'anga i mua ake i te Mōnitē rā 2 o 'Okotopa.

## Ka rauka rāi iākoe i te 'iki me te no'o ara koe ki roto i tēta'i ngutu'are tiaki

Me te no'o ara koe ki roto i tēta'i ngutu'are tiaki, kāre koe e anoano'ia kia tāniuniu mai ia mātou. Nā te Mānitia i roto i tō'ou tu'anga 'iki'anga e tāniuniu atu i te mānitia o tō'ou ngutu'are tiaki nō te 'akapapa i tā'au 'iki'anga.

## Ka rauka rai iākoe i te 'iki me tei roto koe i te 'aremaki

Me kāre koe e tae ki te ngāi 'iki'anga nō te mea tei roto koe i te 'aremaki, mei te Mōnitē rā 2 o 'Okotopa ka rauka i tō'ou taeake mē kore tēta'i mema i roto i tō'ou kōpū tangata i te 'apai atu i tā'au peapa 'iki'anga kiā koe. Me kua 'akano'o'ia e ka 'aere koe ki roto i te 'aremaki i mua ake i te rā o te 'iki'anga, e mea meitaki atu kia 'iki koe me ka rauka iākoe, i mua ake i te Mōnitē rā 2 o 'Okotopa. Tāniuniu mai iā mātou **0800 36 76 56** nō tēta'i au 'akamāramarama'anga.



## Tēta'i au rāvenga nō'ou me kāre e rauka iākoe i te 'aere atu ki te ngāi 'iki'anga

Ka 'ōronga mātou i tēta'i au rāvenga tauturu ki te aronga kāre e rauka ia rātou i te 'aere ki te ngāi 'iki'anga. Me kāre e rauka iākoe i te 'aere ki te ngāi 'iki'anga i te 'iki, ko tēta'i 'ākara'anga, nō te makimaki o te kōpapa me kore kāre e rauka i te neke, ka rauka iākoe i te patī i tēta'i tangata kia 'apai atu i tā'au au peapa 'iki'anga me kore e patī kia mēre 'iātu tēta'i peapa 'iki'anga nā'au.



## Patī i tēta'i tangata kia tiki atu i tā'au peapa 'iki'anga

Me kāre e rauka iākoe i te 'aere ki te ngāi 'iki'anga, e 'akakī ma te tāina mai i teia kapi tāpīri e oti patī atu i tēta'i tangata kia kave atu i tā'au peapa ki ko i te ngāi 'iki'anga. Ka 'akā'oki mai rātou i reira i tā'au peapa 'iki'anga kia 'akakī koe.

Me kāre e tangata i te tiki i tā'au peapa 'iki'anga, pēnei ka rauka ia mātou i te 'apai atu i te reira kiā koe. Patī'anga kia tāniuniu mai ia mātou ki runga i te **0800 36 76 56**.



## 'Akape'ea i te 'akā'oki'anga i tā'au peapa 'iki'anga

Ka rauka iākoe:

Patī i tēta'i tangata kia 'apai i tā'au au peapa 'iki'anga tei oti iākoe i te 'akakī ki te ngāi 'iki'anga i mua ake i te ora 7 i te a'ia'i, Ma'anākai rā 14 o 'Okotopa.

Me e paeketi tā'au ka rauka i te 'akā'oki, āru i te au 'akae'anga i runga i te paeketi no te 'akapapa i tēta'i tangata no te tiki, me kore e tāniuniu mai ia mātou i runga i te **0800 36 76 56** me ka 'inangaro tauturu koe.

## Give my voting papers to the person I have authorised

The name of the person I have authorised to collect and deliver my voting papers to me is:



I have been authorised to collect and deliver voting papers to the voter named on this form.

Signature of authorised person

Date

Signature of voter

Date